



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-042-5/23**
Datum: **05.04.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „FIM export-import“ d.o.o. Sarajevo za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije servisa teretnih motornih vozila „FIM“ sa pratećim sadržajima, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu „FIM export-import“ d.o.o. Sarajevo daje se vodna dozvola za ispuštanje oborinskih onečišćenih voda i tehnoloških otpadnih voda sa lokacije servisa teretnih motornih vozila „FIM“ sa pratećim sadržajima, izgrađenog na zemljištu označenom kao k.č. broj 275/4 K.O. Blažuj, naselje Blažuj, općina Ilidža.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji predmetnog objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se tehnološke otpadne vode prikupljaju putem slivnika sa slivnom rešetkom i internom kanalizacionom mrežom odvođe do tipskog separatora ulja i naftnih derivata sa koalescentnim filterom, a zatim preko okna za monitoring vode do priključka izvedenog na javnu kanalizacionu mrežu oborinskih voda, čiji je krajnji recipijent potok koji se ulijeva u rijeku Zujevinu.
 - 3.3. Da se oborinske onečišćene vode sa manipulativnih i saobraćajnih površina prikupljaju putem slivnika sa slivnom rešetkom i internom kanalizacionom mrežom odvođe do tipskog separatora ulja i naftnih derivata sa koalescentnim filterom, a zatim preko okna za monitoring vode do priključka izvedenog na javnu kanalizacionu mrežu oborinskih voda, čiji je krajnji recipijent potok koji se ulijeva u rijeku Zujevinu.
 - 3.4. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
 - 3.7. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.8. Osigurati priručna sredstva za brzu intervenciju u slučaju nekontrolisanog istjecanja opasnih materija (motornih ulja, nafte i sl.), kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.9. Da prikupljanje, odvoz i konačno zbrinjavanje opasnog otpada sa lokacije predmetnog servisa sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „FIM export-import“ d.o.o. Sarajevo obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije servisa teretnih motornih vozila „FIM“ sa pratećim sadržajima, izgrađenog na zemljištu označenom kao k.č. broj 275/4 K.O. Blažuj, naselje Blažuj, općina Ilidža.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-22-013157 dana 16.12.2022. godine;
- Kopija Uvjerenja o poreznoj registraciji donesenog od strane Porezne uprave - Kantonalni ured Sarajevo dana 09.12.2002. godine;
- Kopija Uvjerenja o registraciji/upisu u Jedinствeni registar obveznika indirektnih poreza, broj: 04/1-UPP/1-6663/07 dana 01.08.2007. godine izdatog od strane Uprave za indirektno-neizravno oporezivanje Banja Luka;

- Kopija Rješenja odobrenju za građenje proizvodno-poslovnog objekta na zemljištu označenom kao k.č. broj 275/4 K.O. Blažuj, općina Ilidža, donesenog od strane Službe za prostorno uređenje Općine Ilidža, broj: 03-23-2018/03 dana 05.11.2003. godine;
- Kopija Rješenja kojim je dato da su u poslovnim prostorijama podružnice servis u ulici Blažuj bb ispunjeni uslovi u pogledu tehničke opremljenosti i zaštite na radu, zaštite i unapređenja životne sredine, sanitarno-higijenski uslovi, kao i da su ispunjeni i drugi uslovi propisani u skladu sa Zakonom za početak rada i obavljanje djelatnosti, donesenog od strane Stručne inspeksijske komisije za utvrđivanje uslova za početak obavljanja privredne djelatnosti Ministarstva privrede Kantona Sarajevo, broj: 07-05-20/1-132-LEV-RA-BV dana 17.02.2006. godine;
- Kopija Odgovora od strane KJKP „Vodovod i kanalizacija“ d.o.o. Sarajevo broj: 615/23 od 24.03.2023. godine;
- Kopija Izvještaja o monitoringu kvaliteta i kvantiteta otpadnih voda objekta za servis kamiona „FIM“ Blažuj - Ilidža, urađen od strane „Inspekt – RGH“ d.o.o. Sarajevo, mart 2022. godine;
- Kopija fakture za odvoz rabljenih motornih ulja od strane DELTA PETROL d.o.o. Kakanj; godine;
- Glavni projekat – hidroinstalacije, urađen od strane „Širbegović“ d.o.o. Gračanica, maj 2003. godine;
- Glavni projekat – hidroinstalacije i elektroinstalacije, urađen od strane „Širbegović“ d.o.o. Gračanica, maj 2003. godine;
- Projekat vanjskog uređenja sa definiranim instalacijama vodovoda i kanalizacije van objekta, urađen od strane „Širbegović“ d.o.o. Gračanica, juli 2005. godine
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-042-2/23 dana 16.02.2023. godine.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Objekat servisa teretnih motornih vozila je izgrađen u naselju Blažuj, na zemljištu označenom kao k.č. broj 275/4 K.O. Blažuj, općina Ilidža.

Osnovna namjena objekta su usluge servisiranja i prodaje rezervnih dijelova za teretna motorna vozila. U objektu se vrše popravke i servisiranje teretnih motornih vozila – mehanička i elektro popravka, dijagnostika za kamione i prikolice, mehanički radovi na podstroju vozila, podmazivanje svih habajućih dijelova na vozilima, izmjena motornih i kočionih ulja, rashladne tečnosti, rastavljanje motornih vozila uz čišćenje dijelova motora ili zamjenu oštećenih dijelova.

Na predmetnom lokalitetu nastaju tehnološke otpadne vode prilikom pranja unutrašnjih i vanjskih površina gdje se vrši servisiranje motornih vozila, koje se prikupljaju putem slivnika sa slivnom rešetkom i internom kanalizacionom mrežom odvođe do tipskog separatora ulja i naftnih derivata sa koalescentnim filterom, a zatim preko okna za monitoring odvođe do priključka izvedenog na javnu kanalizacionu mrežu, kojom upravlja KJKP „ViK“ d.o.o. Sarajevo, čiji je krajnji recipijent potok koji se ulijeva u rijeku Zujevinu. Podnosioc zahtjeva ne posjeduje saglasnost za priključak na javnu kanalizacionu mrežu od strane KJKP „ViK“ d.o.o. Sarajevo, datu u skladu sa članom 28. Pravilnika o sadržaju, obliku, uvjetima, načinu izdavanja i čuvanja vodnih akata.

Na osnovu dostavljene projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa Zakonom o vodama i Pravilnikom o sadržaju, obliku, uvjetima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na

osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

**Po ovlaštenju
Rukovodilac sektora za izdavanje vodnih akata**



Haris Ališehović
Haris Ališehović, dipl.ing.građ.

PRILOG:

- Glavni projekat – hidroinstalacije, urađen od strane „Širbegović“ d.o.o. Gračanica, maj 2003. godine;
- Glavni projekat – hidroinstalacije i elektroinstalacije, urađen od strane „Širbegović“ d.o.o. Gračanica, maj 2003. godine;
- Projekat vanjskog uređenja sa definiranim instalacijama vodovoda i kanalizacije van objekta, urađen od strane „Širbegović“ d.o.o. Gračanica, juli 2005. godine

Dostaviti:

- „FIM export-import“ d.o.o. Sarajevo, Buća potok 2 (objekat niz III), 71000 Sarajevo (sa prilogom)
- AVP Sava, ISV – Vodna knjiga
- Sektor 50
- ① Sektor 40, arhiva
- Oglasna ploča AVP Sava